

نومرو ۱۶

[ایکنجی سنه



خزینہ اوراق

مؤسسہ
iHSAN SUNGU
محمود جلال الدین KITAPLARI

تاریخ طبعی

۱۸ جمادی الاول سنه ۱۳۰۳

تاریخ تاسیسی

۱ مایس سنه ۱۲۹۷

بو رسالہء ادبیہ جمعہ ایرتسی کونلری حیقار

اثر کمال

..... دقت ایتدم . مکرکه آفاقی آشوب قیامتدن
 نشان ویره جک بر فورطنه بلوطی قاپلامش . بدر منور
 ایسه ید بیضا کی حارق العاده قدرته او عمان ظلمتی ایکی یه
 بولمش ! دکره باقدم هر موجنه برجیل سیال
 دینسه روا ایدی .

امواج دکل کویا که کرد باد قیامت یکپاره یالچین قیادن
 خلق اولمش اولو اولو طاغری یرلرندن قوپارمش بر برینه
 چارپه چارپه ابعاد نامتناهی ایچنده سورر کیدردی .
 یا خود که بر قوجه سنکسار زلزله یه او غرامش متصل
 لرزه ناک اولور طورردی .

«فکانه برق تالق بالحمی

نم انطوی فکانه لم یلمع»

انی متعاقب اورته لغی آه غریبانه دن شدتلی شمشکلر
 کریه عاشقانه دن کثرتلی یا غمور لر قاپلادی .
 روزکار اوردقجه دهشتده زلزله یی اندیریردی .
 کوك کورلدکجه کره زمین ایکلیور ظن اولنوردی .
 شمشک چاقدقجه هر سحاب کثیف شعله فشان اولمش
 برینار طاغ کی کورینوردی .

بوعواصف طوفان انکیز یارم ساعتدن زیاده سورمدی
فقط کره زمین بر سیلاب عظیمک شدتیه یرندن قوپارق
کرداب جریاننه طوتلمش بر طاغ پارچه سی کبی امواج
ظلمت ایچنده یوارلنور طورردی .

قراکلق او قدر اوزادی که خاطر اکتساب ابدیت
ایلمسندن اندیشه یه دوشسه ویاخود بو کیجه نک صباحی
فردای قیامتدر ظن اولنسه روا ایدی .

بن ایسه هنکامه نک اعصابه ویردیکی اضطراب
و کوکله قارشو (شدت انجذابیه) محروم آرام اوله رق
زمان فجره قدر لاینقطع اوطه نک ایچنده طولاشور وهر
ایکی دقیقه ده بر کره امری القیسک .

« الا ایها الیل طویل الانجلی

بصبح وما الا صباح منک بامثل

بیتنی تکرار ایدردم .

عاقبت یورغناق وجودیمه غلبه ایتدی کوز قپاقلرم
یا صدیغه طیائمش خسته لر کبی طور دینی یرده او کنه او کنه
ییغلمغه باشلادی اوطه نک بر کوشه سنه اوزاندم
در حال او یومش قالمشم .
(اون یدنجی جزوده)